

Evening Dogri News Bulletin, 23 May 2025

इवनिंग डोगरी न्यूज़ बुलेटिन

समे .18:20 Hrs

Headlines

1. गृह मंत्री अमित शाह होरें आपरेशन सिंदूर दे दरान बीएसएफ दी भूमिका दी सराहना कीती। उ'नें आखेआ जे अज्ज पूरी दुनिया भारत दे थेआरबंद बलें दी दलेरी दी सराहना करै करदी ऐ।
2. लेफ्टिनेंट गवर्नर मनोज सिन्हा होरें किशतवाड़ च आतंकवाद-रोधी अभियान दरान शहीद होए दे फौजी जवान गी भावें-भरोची श्रद्धांजलि अर्पित कीती।
3. मुखमंत्री ओमर अब्दुल्ला होरें अपने राबिता दफतरै च केई सारे सार्वजनिक डेलीगेशनें कन्नै गल्लबात कीती ते लोकें बक्खी केन्द्रित शासन दे प्रति अपनी वचनबद्धता गी फही पक्का कीता।
4. उपमुखमंत्री सुरिंदर चौधरी होरें मुलाज्ममें कन्नै गल्लबात करियै इक मजबूत जम्मू-कश्मीर बनाने दी जरूरतै पर जोर दित्ता ऐ।
5. राज्य जांच एजेंसी - एस.आई.ए. नै नार्को-आतंकवाद कन्नै जुडे दे मामले दी जांच दे तैह्त पुंछ जिले च केई थाहें पर छापे मारे न।

<><><><><><>

Shah BSF

केन्द्री गृह मंत्री अमित शाह होरें आखेआ ऐ जे आपरेशन सिंदूर, पहलगाम च होए दे आतंकवाद हमले दा जोआब हा ते अज्ज पूरी दुनिया, भारत दे थेआरबंद बलें दी दलेरी दी सराहना करै करदी ऐ। अज्ज नमीं दिल्ली च सीमा सुरक्षा बल दे अलंकरण समारोह गी संबोधित करदे होई श्री शाह होरें आखेआ जे बीएसएफ ते होरनें थेआरबंद बलें पाकिस्तान दे खलाफ कीती गेदी कार्रवाई दरान जबरदस्त दलेरी ते ताकत दा परिचय दित्ता ऐ। उ'नें आखेआ जे पाकिस्तान नै जिसलै भारत आसेआ आतंकवादिएं पर कीते गेदे हमले गी अपने उप्पर हमला करार दित्ता तां इक चाल्ली कन्नै उन्नै एहू गल्ल स्वीकार करी लैती जे आतंकवादी तंत्र, पाकिस्तान दा गै इक अहम हिस्सा ऐ। इस मौके पर बोलदे होई गृह मंत्री अमित शाह होरें आखेआ

<><><><><><>

LG-Tributes

लेफ्टिनेंट गवर्नर मनोज सिन्हा होरें किशतवाड़ च आतंकवाद-रोधी अभियान दे दरान शहीद होए दे फौज दे सपाई गायकर संदीप पांडुरंग होरें गी अज्ज श्रद्धांजलि अर्पित कीती। एलजी होरें आखेआ जे समूलचा राश्ट्र, इस सर्वोच्च बलिदान लेई सदा उंदा कर्जदार रौहग। उ'नें आखेआ जे समूलचा देस, दुक्खै दी इस घड़ी च शहीद दे परोआर आहलें कन्नै पूरी मजबूती कन्नै खड़ोते दा ऐ।

<><><><><><>

CM-Raabita

जनता दी पुज्ज बधाने दी कोश्ट च मुखमंत्री उमर अब्दुल्ला होरें अज्ज श्रीनगर च राबिता दफतर च बक्ख-बक्ख प्रतिनिधिमंडलें कन्नै बैठकां कीतियां। चर्चा बसनीकें दियें चिंताएं गी समझने, प्रतिक्रियाएं गी किट्टा करने ते परतक्ख गल्लबात दे राहें खेत्तरी मुद्दें कन्नै निब्वडने पर केंद्रित ही। मुखमंत्री होरें इक जवाबदेह ते नागरिक केंद्रित प्रशासन स्थापित करने आस्तै सरकार दे समर्पण पर लोऽ पाई। उनें दोहराया जे एहू गल्लबात पूरे जम्मू-कश्मीर च प्रभावी शासन ते समावेशी विकास आस्तै महत्वपूर्ण ऐ। पत्रकारें कन्नै गल्ल करदे होई मुखमंत्री उमर अब्दुल्ला होरें आखेआ।

<><><><><><>

Dy CM

उपमुख्यमंत्री सुरिंदर चौधरी होंरें अज्ज सनत घर बेमीना जाइयै उत्थे मलाजमें दिएं चैंताएं गी सुनेआ। उ'नें आखेआ जे जम्मू-कश्मीर सरकार, प्रदेश दे तरक्की-बाढ़े लेई वचनबद्ध ऐ ते इस गल्लै गी जकीनी बनाया जा'रदा ऐ जे कुसै बी अवाज दी अनदिक्खी नेई होऐ। चौधरी होंरें आखेआ जे जंग कुसै बी मसले दा हल नेई ऐ इसकरियै रमानदारी ते गल्लबात दे राहें गै मसलें गी नबेड़ेया जाई सकदा ऐ। उ'नें समूलचे केन्द्र शासित प्रदेश च सब्भनें बसनीकें लेई मान-सम्मान आहला जीवन, विकास-बाढ़ा ते जोआबदेह शासन जकीनी बनाने दी सरकार दी वचनबद्धता गी फही पक्का कीता। इस मौके पर मीडिया कर्मिंए कन्नै गल्ल करदे होई उपमुख्यमंत्री सुरिंदर चौधरी होंरें आखेआ

<><><><><><>

Amrit-Bharat Station

अमृत भारत स्टेशन येजना इक राश्ट्री पहल ऐ जिसी रेलवे स्टेशनें दा लगातार दर्जा बदाने आस्तै शुरू कीता गेआ ऐ। एहदा मकसद स्टेशनें गी उंदी स्थानीय पंछान बनाई रखदे होई समकालीन मानकें तगर बधाना ऐ। इसै संदर्भ च प्रधानमंत्री नरेंद्र मोदी होंरें कल 18 राज्यें ते केंद्र शासित प्रदेशें दे 86 जिलें च 103 नमें सिरेआ बनाए गेदे अमृत स्टेशनें दा उद्घाटन कीता। एह पैहल यात्रियें आस्तै आराम, सफाई ते संपर्क पर जोर दिंदे होई पूरे देश च रेलवे बुनियादी ढांचे दे आधुनिकीकरण दे सरकार दे जत्तें दा हिस्सा ऐ।

<><><><><><>

SIA-Poonch Raids

राज्य जांच एजेंसी-(एस.आई.ए) नै अज्ज पुंछ जिले दे बक्ख-बक्ख खेत्तरें च नशीले पदार्थें दे कन्नै सरबंधत आतंकवाद दे इक्क मामले च कई छापे मारे न। सहाडे जिला संवाददाता मताबक सैलान, बफलियाज ते पुंछ शैहर च छापे मारे गेन। छापेमारी च सुरनकोट दे सैलन खेत्तर च जमीर अहमद शेख दे घर पर खास ध्यान दित्ता गेआ। होर जानकारी देआ करदे न सहाडे जिला संवाददाता। एस.आई.ए आतंकवादी संगठनें ते उंदे कन्नै जुडे दे लोकें ते समूहें दे बश्कार कथित माली सरबंधें दी जांच करा'रदी ऐ।

<><><><><><>

Op. Sindoor

समूलचा मुल्ल इनें दिनें आप्रेशन सिंदूर दी कामयाबी दा जश्न मना करदा ऐ जेदे तैहत पाकिस्तान ते पाकिस्तान दे नजैज कब्जे आहले जम्मू-कश्मीर च आतंकवादिं दे 9 ठकानें ते सिखलाई कैपें गी तबाह करी दित्ता गेआ हा ते 100 कोला मते खतरनाथ आतंकवादिं दा सफाया करी दित्ता हा। लोक आतंकवाद खलाफ भारत सरकार आसेआ लैते गेदे रणनीतिक ते सख्त फैसलें दा बी सौआगत करा करदे न। इस कामयाबी दा जश्न मनाने लेई जित्थे तरंगा रैलियां कडियां जा'रदियां न, उत्थे गै समाज दे बक्ख-बक्ख वर्गें दे लोक बी भारतीय फौज दी इस कामयाब ते ऐतिहासिक कार्रवाई दी सराहना करा'रदे न। इस बारै आकाशवाणी जम्मू कन्नै गल्ल करदे होई ब्रिगेडियर रिटायर्ड Gurmeet Singh Shaan होंरें आखेआ।

<><><><><><>

Tiranga-Rally

देशभक्ति दी इक अनोखी मिसाल पेश करदे होई डोडा जिले च उच्चिं धारें पर रौहने आहले खानाबदोश तबके दे लोकें आप्रेशन सिंदूर दी कामयाबी दा जश्न मनाने आस्तै भद्रवाह दी मशहूर सैलानी थाह जाई घाटी च तिरंगा जात्तरा कड्डी। इस कार्यक्रम दे राहें इ'नें लोकें अपने अंदर बसी दी देश-प्रेम दी भावना गी उजागर कीता ऐ। इस मौके पर साढे संवाददाता नै किश खानाबदोश लोकें कन्नै गल्लबात कीती। उ'नें आखेआ

<><><><><><>

Announcement-Prog

आकाशवाणी जम्मू दे क्षेत्रीय समाचार एकांश ऑप्रेशन सिंदूर बारै 20 मिनंटे दी इक विशेष परिचर्चा प्रसारित करोगा। इस कार्यक्रम च जम्मू कश्मीर सैनिक कल्याण मैहकमे दे निदेशक ब्रिगेडियर रटैर गुरमीत सिंह शान होरें अपने विचार सांझा करडन। एह विशेष कार्यक्रम 24 मई गी बडुलै साडु 9 बजे प्रसारित कीता जाग ते उन्दे नै गल्ल करडन स्हाडे न्यूज एंकर विजय बजा। एह कार्यक्रम Medium wave 990 KH0/ 104.5 MH3 ते FM 100.3 पर सुनेआ जाई सकदा ऐ। तुस इस बारै अपनी प्रतिक्रिया ते सुझा mujammu@gmail.com पर सांझा करी सकदे हो।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां ना। इच्छुक आवेदक जेहदी उमर 24 थमां 50 बरें दे बश्कार ऐ ते ओहू कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोडचदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंधत लोडचदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोडचदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू पिन कोड 180001 उप्पर 15 जून 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

PM-MKB

प्रधानमंत्री नरेन्द्र मोदी होर औंदे ऐतवारें 25 मई गी आकाशवाणी पर प्रसारित होने आहले अपने महावार रेडियो कार्यक्रम “मन की बात” राए देश विदेश च रोहने आहले लोकें कन्ने अपने विचार सांझे करडन। हर महीने दे अखीरले ऐतवार प्रसारित होने आहले इस कार्यक्रम दी एह 122मीं कडी होग। एह कार्यक्रम 25 मई गी बडुलै 11 बजे आकाशवाणी ते दूरदर्शन दे समूलचे नेटवर्क पर प्रसारित कीता जाग। एहदे कन्नोकन्नी प्रधानमंत्री हुंदे दफ्तर, सूचना ते प्रसारण मंत्रालय ते आकाशवाणी समाचार ते डी.डी न्यूज दे यू-ट्यूब चैनलें पर बी मन की बात कार्यक्रम उपलब्ध होग। मन की बात दे हिंदी प्रसारण दे तुरत मगरा एहदा डोगरी भाषा च अनुवाद प्रसारित कीता जाग। एहदे अलावा तुस एहदा डोगरी अनुवाद इक बारी फी रातीं 8 बजे आकाशवाणी जम्मू पर सुनी सकदे हो।

<><><><><><>